

書名 廣文選八十二卷 嘉靖
十二年序刊本
撰者 明 劉節 輯
卷 卷二十四
內容分類 集-總集-詩文
索書號 大木-集部-總集類-3

卷二十四



廣文選卷第一

編號 D7920300

彩色首頁1

東洋文化研究所漢籍目錄 編號: D7920300

東洋文化研究所漢籍目錄所藏漢籍善本文影像資料庫 索書號: 大木-集部-總集類-3

漢籍善本文影像資料庫文本 廣文選八十二卷 嘉靖十二年序刊本

版權所有: 東京大學 東洋文化研究所

使用上的注意事項

天地廣

天地賦

成公子安

明通議大夫都察院右副都御史大庾劉節廣



惟自然之初載兮道虛無而玄清太素紛以溷淆兮始
有物下而混成何元一之芒昧兮廓開闢而著形爾乃清
濁剖玄黃判離太極既殊是生兩儀星辰煥列日月
重規以尊地靜以卑昏明迭炤或盈或虧陰陽協
氣而寒暑隨時而推移三才殊性五行異位千變
萬化庶類授之以形稟之以氣色表文采聲有音
方流形品物鼓以雷霆潤以慶雲八風翱翔

廣文選卷第二十四

明通議大夫都察院右副都御史大庾劉節廣

詩

雜歌下

渡伍員歌

楚漁父

日月昭昭兮寢已馳與子期乎蘆之漪

日之夕兮余心憂悲月已馳兮何不渡為事寢急兮將

柰何

越人歌

榜枻越人

今夕何夕兮牽洲中流今日何日兮得與王子同舟蒙
羞被好兮不訾詬耻心幾頑而不絕兮得知王子山有
木兮木有枝心欲君兮君不知



虞虞歌

百里奚妻

百里奚五羊皮憶別時烹伏雌炊粳飯今日富貴忘我為

黃鵠歌

陶寡妻

悲夫黃鵠之早寡兮七年不雙宛頸獨宿兮不與眾同
夜半悲鳴兮想其故雄天命早寡兮獨宿何傷寡婦念
此兮泣下數行嗚呼哀哉兮死者不可忘飛鳥尚然兮
况於貞良雖有賢雄兮終不重行

紫王歌

吳夫差女

南山有鳥北山張羅意欲從君讒言孔多悲結成疹歿
身黃壚命之不造宛如之何羽族之長名為鳳凰一日
失雄三年感傷雖有眾鳥不為匹雙故見鄙姿逢君輝
光身遠心近何曾暫忘

魏河內歌

鄴有賢令兮為史公決漳水兮灌鄴旁終古為鹵兮生
稻梁

長鋏歌

馮驩

長鋏歸來兮食無魚長鋏歸來兮出無車長鋏歸來兮
無以為家

采芝歌

四皓

漠漠商洛深谷逶迤曄曄紫芝可以療饑皇農邈遠吾
將安歸駟馬高蓋其憂甚大富貴之畏人不如貧賤之
輕世

垓下帳中歌

項羽



力拔山兮氣蓋世時不利兮騅不逝騅不逝兮可柰何
虞兮虞兮柰若何

鴻鵠歌

漢高帝

鴻鵠高飛一舉千里羽翼已就橫絕四海橫絕四海又
可柰何雖有矰繳尚安所施

平城歌

漢高帝

平城之圍亦誠苦七日不食不能殼弩

種田歌

劉章

深耕穡種立苗欲疏非其種者鋤而去之

百姓歌

蕭何為政較若畫一曹參代之守而勿失載其清淨民
以寧一

淮南民歌

一尺布尚可縫一斗粟尚可舂柰何兄弟二人不相容

瓠子歌

漢武帝

瓠子決兮將柰何浩浩洋洋兮慮殫為河殫為河兮地不
得寧功無已時兮吾山平吾山平兮鉅野溢魚弗鬱兮
柏冬日正道弛兮離常流蛟龍騁兮放遠遊歸舊州兮
神哉沛不封禪兮安知外為我講河伯兮何不仁泛濫
不止兮愁吾人鬻桑浮兮淮泗滿久不返兮水繼緩
河蕩蕩兮激潏浚北渡回兮迅流難舉長筭兮湛美王
河伯許兮薪不屬薪不屬兮衛人罪燒蕭條兮噫乎何
以御水隕林竹兮捷石菑宣防塞兮萬福來

天馬歌

漢武帝

太乙况天馬下霑赤漢沫流赭志倣儻精權竒籥躡浮
雲瞻上馳體容與達萬里今安匹龍為友

天馬徠從西極涉流沙九夷服天馬徠出泉水虎脊兩

化若鬼變化天馬徠歷無阜經千里循東道天馬徠執

徐時歲在辰將遙舉誰與期天馬徠開遠門竦予身逝崑

崑天馬徠龍之媒游閭闔登玉臺

蒲稍天馬歌

漢武帝

天馬徠兮從西極經萬里兮歸有德承靈威兮障外國

涉流沙兮四夷服

落葉哀蟬曲

漢武帝

羅袂兮無聲玉墀兮塵生虛房冷而寂寞落葉依於重
榻望彼美之女兮安得感余心之未寧

八公操

淮南王安

煌煌上天照下土兮知我好道公來下兮公將與予生

毛羽兮超騰青雲蹈梁甫兮觀見瑤光過北斗兮馳乘

風雲使玉女兮含精吐氣嚼芝草兮悠悠將將天相儼

兮

烏孫公主歌

吾家嫁我兮天一方遠託異國兮烏孫王穹廬為室兮

旃為牆以肉為食兮酪為漿居常土思兮心肉傷願為

黃鵠兮歸故鄉

李延年歌

北方有佳人絕世而獨立一顧傾人城再顧傾人國寧

不知傾城與傾國佳人難再得

李夫人歌

是邪非邪立而望之翩何姍姍其來遲

琴歌

霍去病

四夷既獲諸夏康兮國家康寧樂無央兮載戢干戈兮
矢藏兮麒麟來臻鳳凰翔兮與天相保未無疆兮親親
百年各延長兮

拊缶歌

楊子幼

田彼南山蕪穢不治種一頃豆落而為箕人生行樂耳
須富貴何時

處女吟

魯處女

菁菁茂木隱猷榮兮變化垂枝含蕤英兮脩身養志建
令女兮厥道不同善惡并兮屈身身獨去微清兮懷忠
見疑何貪生兮

黃鵠歌

漢昭帝

黃鵠飛兮下建章羽肅肅兮行蹒蹒金為衣兮菊為裳
唼喋荷荇出入蕪葭自顧菲薄愧爾嘉祥

淋池歌

漢昭帝

秋素景兮泛洪波揮纖手兮折芰荷涼風淒淒揚棹歌
雲光開曙月低河萬歲為樂豈云多

望鄉歌

背尊章嫖以忽謀屈竒起自絕行周流自生患諒非望
今誰怨

馮君歌

大馮君小馮君兄弟繼踵相循聰明賢知惠吏民政如

魯衛德化鈞周公康叔猶二君

印綬歌

牢耶石耶五鹿客耶印何案案綬若若耶

瑟歌

欲久生兮無終長不樂兮安窮奉天期兮不得須臾千里馬兮駐待路黃泉下兮幽深人生要死何為苦心何用為樂心所喜出入無怵為樂亟高里召兮部門閱死不得取代庸身自逝

五歌

燕王

歸空城兮狗不吠鷄不鳴橫術何廣廣兮固知國中之無人

華容夫人歌

燕王

髮紛紛兮真渠骨藉藉兮亡居母求死子兮妻求死夫徘徊雨渠間兮君子獨安居

五噫歌

梁伯鸞

陟彼北邙兮噫顧瞻帝京兮噫宮闕崔嵬兮噫民之劬勞兮噫遼遼未央兮噫

武溪深行

馬文淵

滔滔武溪一何深鳥飛不度獸不敢臨嗟哉武溪多毒淫

招商

漢靈帝

涼風起兮日照渠青荷晝偃葉夜舒惟日不足樂有餘清絲流管歌王鳧千年萬歲嘉難踰

定情歌

張平子

大火流兮草虫鳴繁霜降兮草木零秋為期兮時已征
思美人兮愁屏管

祚都夷歌

遠夷樂德歌

大漢是治與天合意吏譚平端不從我來聞風向化所
見寄異多賜繒布甘美酒食昌樂肉飛屈申悉備蠻夷
貧薄無所報嗣願主長壽子孫昌熾

遠夷慕德歌

蠻夷所處日出之部慕義向化歸日出主聖德深恩與
人富厚冬多霜雪夏多和雨寒溫時適部人多有涉危
歷險不遠萬里去俗歸德心歸慈母

遠夷慕德歌

荒服之外土地境垵食肉衣皮不見鹽穀吏譚傳風大
漢安樂攜負歸仁觸冒險狹高山岐峻緣崖礮石木薄
發家百宿到洛父子同賜懷抱四帛傳告種人長願臣
僕

涼州歌

游子常苦貧力子天所富寧見乳虎穴不入冀府寺大
笑期必死忿怒或見置嗟哉樊府君安可再遭值

魏郡輿人歌

我有枳棘岑君伐之我有蝨賊岑君遏之狗吠不驚足
下生鞞含哺鼓腹焉知凶災我喜我生獨不斯時美矣
岑君於戲休茲

蔡伯皆歌

練余心兮浸太清
滌穢濁兮存正靈
和液暢兮神氣寧
情志泫兮心亭亭
嗜欲息兮無由生
踔宇宙而遺俗兮
少翩翩而獨征

視刀鏢歌

常恨言語淺不如人意深
今朝兩相視脉脉動人言

燕人歌

傅休奕

燕人美兮趙女佳
其室則邇兮限曾崖
雲為車兮風為馬
玉在山兮蘭在野
雲無期兮風有止
思多端兮誰能理

謠廣

康衢謠

立我烝民莫匪爾極
不識不知順帝之則

白雲謠

周穆王

白雲在天山陵自出道里悠遠
山川間之將子無死尚復能來

穆天子謠

子歸東土和洽諸夏萬民平均
吾願見汝比及三年將復而野

齊嬰兒謠

大冠若箕脩劔拄頤攻敵不能下壘于枯丘

晉童謠

丙之晨龍尾伏辰初服振振取虢之所鶉之奔奔天策
焯焯火中成軍虢公其奔

西漢童謠

燕燕尾涎涎張公子時相見木門倉琅根燕來啄皇孫
皇孫死燕啄矢

西漢童謠

邪徑敗良田讒口亂善人桂樹華不實黃爵巢其巔故
爲人所羨今爲人所憐

鴻隙陂童謠

壞陂誰翟子威飯我豆食羨芋魁反乎覆陂當復誰去
者雨黃鵠

長安謠

城中好高髻四方高一尺城中好廣眉四方且半額城
中好大袖四方全匹帛

小麥謠

小麥青青大麥枯誰當穫者婦與姑丈夫何在
吏買馬君具車請君鼓隴胡

城上烏謠

城上烏尾畢逋公爲吏子爲徒一徒死百乘車車班班
入河間姪女工數錢以錢爲室金爲堂石上慊慊春黃
梁梁下有懸鼓我欲繫之丞相怒

廣文選卷第二十四

江都葛澗校